

Noticia publicada en Diario Vasco sección Bidasoa, el domingo día 24 de Enero de 2016.

Gizarte topaguneko eta jantoki sozialeko zerbitzua «okerrera» doala salatu du EH Bildu udal taldeak

-

- M.A.I.
- IRUN

24 enero 2016 01:46

EH Bildu udal taldeak Irungo Gizarte Topaguneko eta jantoki sozialeko zerbitzua «okerrera» doala salatu du, eta baita Udal Gobernuaren «giza sentsibiltate gabezia eta gardentasun falta».

EH Bilduko zinegotziek gogorarazi dutenez, «2010. urtetik martxan dagoen zerbitzu ezezagun honek baliabiderik ez duten pertsonen dutxatzeko eta arropa garbitzeko instalazioak eta egongela bat» eskaintzen du, «bazkaltzeko aukeraz gain. Jantokira sartzeko aurretik gizarte langileengana joan beharra dago, non eskatzaileen kasu eta beharrak aztertu ondoren, zerbitzura sarbidea ematen duten, ala ez, erabakiko duten». EH Bilduk azaldu du erabiltzaileek «zerbitzuaren inguruko informazio gabezia eta jantoki sozialerako sarbiderako baldintzen ezjakintasuna» aipatu dituztela oztopoak bezala, informazioa «nahiko nahasia, iluna eta gehienetan faltsua delako».

«Udaleko zerbitzu asko bezala, gizarte topagune eta jantoki sozialeko kudeaketa azpikontratatu dago, kasu honetan RAIS enpresarekin, nork, era berean, janaria hornitzen duen enpresa azpikontratatu du». EH Bilduk azpimarratu du «'gardentasunaren Udaletxeak' bultzatzen duen azpikontrata kate honek informazio sinesgarria eta arduradunak ezagutzea» galarazten duela. «Horregatik ezinezkoa da janariaren kalitatea eta kantitatea nabarmenki okerrera egitearen arrazoiak, ezta erabiltzaileen berezitasunak ezta osasun beharrak kontutan ez hartzearen arrazoiak jakitea. Araudian argilun asko daude, eta sarbide eskubidea subjektibitatearen esku gera-tzen da gehienetan».

«Supleki asistentzialak»

Udal taldearen Gizarte Politikatik Gizarte Zerbitzuen helburuetako bat «inklusio sozialerako prozedurak ahalbidetzea dela uste badugu ere, Irungo Gizarte Zerbitzuak supleki asistentzialak dira, karitatetik gertu, eta ez dute topaguneko eta jantokiko erabiltzaileak egoera horretara eramane dituzten problematiketan sakontzen. Honek ez die pertsonen pobrezia eta gabezia egoerei konponbideak ekartzen».

Escrito por Administrator

Domingo, 24 de Enero de 2016 20:52 -

EH Bilduk salatu du Udal Gobernuak «zerbitzu batez arro azaldu eta bere auto-atseginen hondoratzen» dela, «baina ezer gutxi egiten du hura hobetzeko eta bazterketa sozialaren errealitatea pairatzen duten pertsona erabiltzaileei behar bezalako zerbi-tzua eskaintzeko».